



Organization for Security and
Co-operation in Europe
Mission to Bosnia and Herzegovina



Sadržaj



02 Uvodna riječ ambasadorice
Kathleen Kavalec, šefice Misije

04 Mandat Misije OSCE-a
u Bosni i Hercegovini

05 Pristup OSCE-a

06 Naše rukovodstvo

07 Naše osoblje

08 25 iskoraka za
25. godišnjicu rada Misije

28 Činjenice i brojke

30 Budući koraci



Uvodna riječ ambasadorice Kathleen Kavalec, šefice Misije

Kao jedna od vodećih multilateralnih sigurnosnih organizacija koja se bavi ranim upozorenjem, prevencijom sukoba, upravljanjem kriznim situacijama i postkonfliktnim oporavkom, Organizacija za sigurnost i saradnju u Evropi (OSCE) ima ključnu ulogu u okviru međunarodnih aktivnosti na izgradnji stabilne, mirne i demokratske države Bosne i Hercegovine. Od uspostave 1995. godine, Misija OSCE-a u Bosni i Hercegovini provodi programe koji imaju za cilj pružanje pomoći u postizanju sveobuhvatne i trajne sigurnosti u interesu svih građana i građanki Bosne i Hercegovine.

Nakon potpisivanja Daytonskog mirovnog sporazuma 21. novembra 1995. godine, Misija je dobila mandat da provodi demokratske izbore i mjere izgradnje povjerenja i sigurnosti, uključujući i inicijative vezane za kontrolu naoružanja. Na početku svojih aktivnosti, Misija je djelovala širom države, putem svojih brojnih terenskih ureda, na osiguranju prava na političko učešće i pružanju podrške razvoju slobodnih i neovisnih medija. Misija je takođe radila na povratku ljudi i povratu imovine, pružajući podršku raseljenim osobama koje potražuju svoju imovinu i vraćaju se u svoje domove.

Sveobuhvatni pristup OSCE-a izgradnji stabilnog i sigurnog društva podrazumijevao je

postepeni prenos odgovornosti u nadležnost domaćih vlasti na svim nivoima. Koliko god je uloga OSCE-a bila ključna u provedbi prvih poslijeratnih izbora, isto toliko bio je važan i prenos odgovornosti za izborni proces u nadležnost Centralne izborne komisije, 2002. godine. Misija je pružila podršku uspostavi parlamentarnih komisija na svim nivoima, kao i nadzornih mehanizama za osiguranje javne odgovornosti izabраних званиčnika, kao i onih u sigurnosnom i odbrambenom sektoru. Tokom narednih godina, Misija je pružala pomoć u rješavanju sigurnosnih izazova u oblasti prevencije i borbe protiv radikalizacije i terorizma, te na pružanju podrške vlastima na unapređenju cyber sigurnosti.

Misija takođe aktivno pruža podršku u izradi zakona u oblasti demokratskog upravljanja, obrazovanja, antidiskriminacije, zaštite Roma i nacionalnih manjina, te u oblasti borbe protiv korupcije. Preporuke Misije proistekle iz praćenja sudskih postupaka pomogle su državi da unaprijedi svoj odgovor na ozbiljna krivična djela, dok su aktivnosti na izgradnji kapaciteta osoblja u sigurnosnom sektoru, pravnih stručnjaka, izabраних званиčnika, obrazovnih radnika i omladine pomogle svima njima na sticanju visokog stručnog znanja.

Od same uspostave, Misija održava snažan fokus na radu s civilnim društvom, pružanju



podrške angažmanu mladih ljudi, povećanju učešća žena u svim sferama javnog života, te na uspostavi mreže organizacija civilnog društva koje se bave pitanjima zaštite okoliša. U svim ovim sferama rada, Misija istovremeno radi na promociji poštovanja ljudskih prava i vladavine prava.

Danas, Misija i dalje ima suštinsku ulogu u pružanju podrške vlastima BiH i njihovim aktivnostima na izgradnji sigurnijeg i pravednijeg društva za sve građane i građanke. Naša vodilja je i dalje provedba Daytonskog mirovnog sporazuma i pružanje podrške BiH u uspostavi sigurne, stabilne i demokratske budućnosti za sve građane i građanke. Zahvalni smo na kontinuiranoj podršci tokom dugog niza godina koja dolazi od 57 država članica OSCE-a, u koje spada i Bosna i Hercegovina, za provedbu mandata naše Misije.

Ova publikacija predstavlja priznanje rada naše Misije u tijesnoj saradnji s našim lokalnim i međunarodnim partnerima, a u ime građana i građanki Bosne i Hercegovine. Prisustvo Misije na terenu, institucionalna memorija, stručna podrška, te saradnja s kolegama u BiH, ostaje i dalje naša najveća prednost i snaga. Napredak koji smo zajedno postigli u BiH ne bi bio moguć bez predanog i napornog rada našeg osoblja, kako lokalnog tako i međunarodnog, i bivšeg i sadašnjeg, koji pružaju podršku našim

lokalnim partnerima u okviru njihovih aktivnosti na ponovnoj izgradnji države i na njenom napredovanju.

Želim izraziti zahvalnost svima onima koji su radili i rade za Misiju tokom ovih proteklih godina. Vaša profesionalnost i predanost predstavlja ključ uspješnog pružanja pomoći i provedbe programa. Dozvolite mi da se zahvalim i našim brojnim partnerima u redovima vlasti BiH, akademskoj zajednici, medijima, civilnom društvu i poslovnom svijetu, s kojima smo uspostavili partnerski odnos tokom godina kako bi osigurali svjetliju budućnost Bosne i Hercegovine.

I kao najvažnije, u ime Misije, želim izraziti zahvalnost građanima i građankama Bosne i Hercegovine na njihovom povjerenju, partnerstvu i angažmanu u proteklih 25 godina na zajedničkim aktivnostima u stvaranju boljeg mjesta za život za sve ljude.

Kathleen Kavalec
ambasadorica
šefica Misije OSCE-a u BiH
mart 2022. godine

Mandat Misije OSCE-a u Bosni i Hercegovini

Sljedeće konkretne reference uključene su u Dejtonski mirovni sporazum i mandat Misije:

Mjere izgradnje povjerenja i sigurnosti

OSCE pruža podršku aktivnostima i razgovorima na jačanju međusobnog povjerenja i smanjenja stepena rizika od sukoba.

Pod pokroviteljstvom OSCE-a, strane potpisnice *Sporazuma o izgradnji mjera povjerenja i sigurnosti u BiH (član II)* pokrenule su razgovor kako bi se “dogovorile o seriji mjera na jačanju međusobnog povjerenja i smanjenja stepena rizika od sukoba - ...”

**Dejtonski
mirovni sporazum
povjerio je OSCE-u
ključne
odgovornosti za
pomoć u izgradnji
stabilne, sigurne
i demokratske
države.**

Izbori

OSCE nadgleda -...“pripremu i provedbu izbora s ciljem promocije slobodnih, fer i demokratskih izbora, te s ciljem postavljanja temelja za uspostavu reprezentativne vlasti.”

Ljudska prava

OSCE pažljivo prati situaciju u oblasti ljudskih prava u Bosni i Hercegovini. Čineći to, podržava održavanje vladavine prava.

Danas, OSCE i dalje radi na jačanju sigurnosti, demokratije i poštivanja ljudskih prava u Bosni i Hercegovini.

#OSCEBiH

#OSCEBiH25


Pristup OSCE-a

U cilju jačanja međusobnog povjerenja, stabilnijih i održivijih demokratskih institucija, boljeg upravljanja i većeg stepena poštivanja ljudskih prava, Misija OSCE-a u BiH prati, izvještava, savjetuje i daje preporuke predstavnicima vlasti, u skladu s međunarodnim obavezama države domaćina. Misija takođe pomaže u izgradnji kapaciteta institucija i organizacija civilnog društva u BiH i za dobrobit BiH.



**MISIJA PRUŽA PODRŠKU
IZGRADNJI DEMOKRATIJE,
JAČANJU DOBROG UPRAVLJANJA I
PROMOCIJI LJUDSKIH PRAVA.**

Naša snaga leži u našoj:



široko prihvaćenoj percepciji da smo objektivni i pravičan partner,



u našem prisustvu na terenu,



stručnom znanju i institucionalnoj memoriji,



fleksibilnosti i pokretanju inicijativa,



te profesionalnosti i predanom osoblju.

Naš pristup je:



sveobuhvatan,



nepristran,



participatoran,



višedimenzionalan,



utemeljen na potrebama, te



prilagođen situaciji na terenu.

Naše rukovodstvo



Ambassador
Robert H. Frowick, USA
(1995 – 1997)



Ambassador
Robert Barry, USA
(1997 – 2001)



Ambassador
Robert M. Beecroft, USA
(2001 – 2004)



Ambassador
Douglas Davidson, USA
(2004 – 2008)



Ambassador
Gary D. Robbins, USA
(2008 – 2011)



Ambassador
Fletcher M. Burton, USA
(2011 – 2014)



Ambassador
Jonathan Moore, USA
(2014 – 2017)



Ambassador
Bruce Berton, USA
(2017 – 2019)



Ambassadorica
Kathleen Kavalec, USA
(2019 –)



Naše osoblje



Najveći broj osoblja: **988** (u 2000. godini)

Najveći broj terenskih ureda: **30**
(24 terenska ureda i šest 6 regionalnih centara)
u 1997. godini

Države koje je međunarodno osoblje predstavljalo i predstavlja u Misiji tokom zadnjih 25 godina:


Albanija, Armenija, Austrija, Azerbejdžan, Bjelorusija, Belgija, Bugarska, Kanada, Hrvatska, Kipar, Češka Republika, Danska, Estonija, Finska, Francuska, Gruzija, Njemačka, Grčka, Mađarska, Island, Irska, Italija, Japan, Kazahstan, Kirgistan, Latvija, Litvanija, Malta, Moldavija, Crna Gora, Nizozemska, Sjeverna Makedonija, Norveška, Poljska, Portugal, Rumunija, Ruska Federacija, Srbija, Slovačka, Slovenija, Španija, Švedska, Švicarska, Tadžikistan, Turska, Turkmenistan, Ukrajina, Ujedinjeno Kraljevstvo, Sjedinjene Američke Države.

Broj i lokacija trenutnih terenskih ureda:


9



Trenutni broj osoblja i geografska raspodjela:




Rodni paritet u redovima osoblja i rukovodstva:



25 iskoraka za 25. godišnjicu rada Misije



Povodom obilježavanja 25. godišnjice našeg rada, Misija ima čast da predstavi 25 značajnih iskoraka, obilježavajući mnoštvo naših dostignuća. Nadamo se da će oni poslužiti kao podsjetnik na našu posvećenost prosperitetu i, iznad svega, građanima i građankama Bosne i Hercegovine:



Rekli su o nama...

Helga Schmid

generalna sekretarka OSCE-a

Dvadeset i pet godinašnjica Misije OSCE-a u Bosni i Hercegovini je dokaz bliske i plodonosne saradnje koju ona ostvaruje sa državom domaćinom.

Prošlog novembra sam se, tokom moje posjete, mogla lično uvjeriti u to koliko OSCE u Bosni i Hercegovini izvanredno obavlja svoj posao. Njegovo se djelovanje odvija u rasponu od promovisanja nezavisnog i efikasnog pravosuđa, preko borbe protiv korupcije, jačanja povjerenja i pomirenja, do poboljšanja kvaliteta obrazovanja. S ponosom gledam na to koliko je cijenjen rad Misije – i od strane predstavnika vlasti i od strane lokalnih partnera, uključujući civilno društvo.

OSCE ulaže ogromnu energiju u pružanje podrške i omogućavanje regionalne saradnje. Tokom protekle dvije decenije, jugoistočna Evropa je ostvarila znatan napredak u daljoj konsolidaciji mira, sigurnosti i stabilnosti te u jačanju demokratskih institucija i vladavine prava. OSCE se ponosi time što je odigrao ulogu u pružanju podrške tom procesu, naročito putem Misije OSCE-a u Bosni i Hercegovini čije se sjedište nalazi u Sarajevu i čiji su terenski uredi prisutni u cijeloj državi.

Više nego ikada, od političkih vođa u regionu se sada traži da predstavje pozitivnu viziju saradnje koja može omogućiti napredak i prevazići podjele prošlosti. OSCE će nastaviti da pruža podršku Bosni i Hercegovini u postizanju njenih strateških ciljeva, u interesu svih građana.

Rekli su o nama...

Bisera Turković

ministrica vanjskih poslova Bosne i Hercegovine
(2018. –)

“Kada je Općim okvirnim sporazumom za mir u Bosni i Hercegovini krajem 1995. godine, utvrđen rad i djelovanje Misije OSCE-a u našoj državi, ova organizacija je bila i ostala sastavni dio svih demokratskih procesa u Bosni i Hercegovini, počev od osiguranja mira i obnove, preko jačanja institucija i kontrole naoružanja, pa sve do pružanja snažne podrške euroatlanskim integracijama naše zemlje.

Uz naporan i predan rad svih članova Misije, čiji doprinos građani Bosne i Hercegovine duboko poštuju i cijene, OSCE je već dvije i po decenije snažan međunarodni oslonac našoj zemlji i svim njenim građanima, ali i važan korektiv u bosanskohercegovačkom društvu.

Uvjeren sam da će djelovanje ove važne svjetske organizacije, neupitno ostati usmjereno na podršku u ispunjavanju vanjskopolitičkih ciljeva Bosne i Hercegovine, ali i izgradnju moderne, sigurne i multietničke zemlje, u kojoj će svi građani imati jednaka prava, mogućnosti i slobode”.

Željko Bakalar

predsjednik Središnjeg izbornog povjerenstva BiH

“Želim ovim putem uputiti iskrene čestitke na uspješnom 25-godišnjem prisustvu Misije OSCE-a u BiH i iskazati veliku zahvalnost na svemu što je Misija uradila i što radi za građane Bosne i Hercegovine.

Suradnja Središnjeg izbornog povjerenstva BiH i Misije OSCE-a u BiH faktički postoji sve vrijeme od uspostavljanja Središnjeg izbornog povjerenstva Bosne i Hercegovine i traje i danas.

Tokom višegodišnje suradnje implementirano je mnoštvo zajedničkih projekata u cilju unapređenja izbornog procesa kao i unapređenja u domeni ispunjenja ostalih odgovornosti Središnjeg izbornog povjerenstva BiH.

Ono što je za nas posebno značajno je kontinuirana pomoć Misije OSCE-a u BiH u jačanju integriteta izbornog procesa u Bosni i Hercegovini, kao i u pribavljanju stručnih mišljenja i stavova relevantnih međunarodnih organizacija (uključujući, između ostalih, Venecijansku komisiju Vijeća Evrope i Ured OSCE-a za demokratske institucije i ljudska prava) o svim pitanjima koja su u nadležnosti Središnjeg izbornog povjerenstva BiH.”





IZBORI (1996. – 2000.) I IZBORNA REFORMA (OD 2001.)

programsko područje
izbori i demokratizacija

Održavanje slobodnih i fer izbora uz najviši mogući stepen zadovoljavanja uslova, pristupa i učešća punoljetnih građana i građanki, imalo je presudan značaj u poslijeratnoj Bosni i Hercegovini. Misija je provela prve poslijeratne 1996. godine i nastavila da provodi izbore do usvajanja Izbornog zakona BiH 2001. godine. Nakon toga, Misija je pružila podršku **osnivanju Sekretarijata Izborne komisije Bosne i Hercegovine** i prenosu znanja i tehnologije novoj instituciji, kako bi naredni izborni ciklusi mogli biti organizirani u skladu sa obavezama prema OSCE-u. Misija se zalaže za slobodne i fer izbore, u skladu sa preporukama Ureda OSCE-a za demokratske institucije i ljudska prava (ODIHR). Taj rad se nastavlja do današnjeg dana: nedavno su, uz podršku Misije, brojne političke stranke potpisale izborne obaveze, obavezujući se na vođenje kredibilne izborne kampanje, zasnovane na programskim platformama, bez uvredljivog govora i štetne retorike.



PROVEDBA SPORAZUMA O SUBREGIONALNOJ KONTROLI NAORUŽANJA I UNIŠTENJE TEŠKOG NAORUŽANJA TOKOM PERIODA SMANJENJA NAORUŽANJA PROPISANOG SPORAZUMOM (1996. – 1997.)

programsko područje
Sigurnost i saradnja

Misija je pružila podršku Uredu specijalnog predstavnika predsjedavajućeg OSCE-a za član IV Aneksa 1B Daytonskog mirovnog sporazuma, kao i potpisnicama Sporazuma, u provedbi subregionalne kontrole naoružanja. (Sporazum o članu IV). Ta podrška obuhvata pomoć u provedbi aktivnosti inspekcije, kao i uništenje naoružanja čije su količine ograničene Sporazumom, tokom perioda smanjenja naoružanja 1996.-1997. godine. Uništenje više hiljada komada naoružanja iz pet kategorija teškog naoružanja do granica propisanih Sporazumom imalo je veliki značaj za vojnu stabilizaciju Bosne i Hercegovine i regije, te predstavljalo osnov za buduću implementaciju Sporazuma koja traje i danas. Tokom perioda smanjenja naoružanja u BiH je uništeno 2.075 komada artiljerijskog naoružanja, oklopnih borbenih vozila i borbenih tenkova.



PLAN PROVEDBE IMOVINSKIH PROPISA (1999. – 2006.)

programsko područje
Ljudska prava

Misija OSCE-a u BiH, zajedno sa Uredom visokog predstavnika, Visokim povjerenikom Ujedinjenih naroda za izbjeglice, Misijom UN-a u Bosni i Hercegovini i Komisijom za imovinske zahtjeve raseljenih osoba i izbjeglica, podržala je **vraćanje u posjed imovine više od milion osoba**. Osim toga, Misija se u radu sa nadležnim organima širom zemlje zalagala za donošenje **usklađene socijalne politike stambenog zbrinjavanja, zasnovane na pravima**. Stopa povrata imovine iznosi 98%, što znači da je odobreno 98% imovinskih zahtjeva. U cilju zaustavljanja dugotrajnog raseljavanja u Bosni i Hercegovini i regiji, u partnerstvu sa Centrom OSCE-a za sprečavanje sukoba i misijama OSCE-a u Crnoj Gori i Srbiji, Misija i dalje vrši praćenje provedbe Regionalnog programa stambenog zbrinjavanja do današnjeg dana.



Rekli su o nama...

Sifet Podžić

ministar odbrane Bosne i Hercegovine i prvi načelnik Zajedničkog štaba Oružanih snaga BiH, nekadašnji predsjednik Zajedničke komisije za odbranu i sigurnost oba doma Parlamentarne skupštine BiH

“Kao ministar odbrane BiH, želim ovom prilikom uputiti iskrenu zahvalnost osoblju Misije OSCE-a u BiH za kontinuiranu, profesionalnu i prijateljsku pomoć i podršku koju su pružali radu Ministarstva odbrane BiH i Oružanim snagama BiH u proteklih 17 godina. Vaše 25-godišnje prisustvo u BiH ostavilo je vidljiv trag u izgradnji suverene države i demokratskog društva kroz tri aspekta vaše aktivnosti: humane, ekonomske i političko-vojne dimenzije.

Ugledajući se na stabilne evropske demokratije uz pomoć OSCE-a i međunarodnih partnera izgradili smo respektabilan odbrambeni sistem koncipiran na demokratskoj političkoj kontroli Oružanih snaga BiH u rukama Parlamentarne skupštine BiH i civilnoj komandi u rukama Predsjedništva BiH. Oružane snage su tako angažirane u zaštiti nezavisnosti, suvereniteta i teritorijalnog integriteta države i u širem kontekstu naših građana, očuvanje mira na međunarodnom planu te učešća u mirovnim operacijama i civilno-vojne saradnje.

U razvoju odbrambenog sektora važnu ulogu imala je Misija u uspostavljanju Ministarstva odbrane BiH i Oružanih snaga BiH kao i donošenju zakonodavnog okvira za njihov rad i djelovanje. Uspješna saradnja krunisana je Sporazumom o saradnji čime se dodatno izgrađuje odbrambeni sistem kroz konkretne aktivnosti i zajedničke projekte u kojima ravnopravno učestvuju domaći i međunarodni stručnjaci.

Ministarstvo odbrane i Oružane snage BiH su i u budućnosti opredjeljene za nastavak uspješne, sadržajne i korisne saradnje sa Misijom kao i za poštivanje svih obaveza koje proističu iz dokumenata OSCE-a usmjerenih na mjere izgradnje povjerenja i sigurnosti.”

Nikola Radovanović

prvi ministar odbrane Bosne i Hercegovine

“Misija OEBS-a u BiH je ostvarila impresivne rezultate u izgradnji povjerenja i bezbjednosti BiH, kao i u postizanju uravnoteženih nivoa odbrambenih snaga na najnižem nivou u regionu, čime njezin značaj i doprinos prevazilazi granice same države. Misija, a naročito Odjeljenje za bezbjednosnu saradnju, je najprije stvorila okvir, ponudila znanje istaknutih stručnjaka i podržala pregovore strana o regionalnoj odbrambenoj stabilizaciji, a zatim kroz dugi niz godina predano radila na provođenju dogovorenih mjera u duhu kooperativne bezbjednosti sa tadašnjim entitetskim odbrambenim i vojnim strukturama i sa Ministarstvom inostranih poslova BiH. Isto tako, nemjerljivo je učešće u radu i podrška Misije Komisiji za reformu odbrane u oba njezina saziva i Ministarstvu odbrane BiH.”

Support to
Elections in the
Western Balkans



4

**OSNIVANJE KOMISIJE
ZA LJUDSKA PRAVA
BIH I OMBUDSMANA
(1996. I 2000.)**

programsko područje
Ljudska prava

U skladu sa Aneksom VI Opšteg okvirnog sporazuma za mir u Bosni i Hercegovini, Ombudsmani BiH i Dom za ljudska prava činili su Komisiju za ljudska prava BiH, kojoj je Misija OSCE-a u BiH pružala podršku u radu. Misija je također pružila podršku uspostavi tih institucija i na nivou entiteta, a nakon toga i konsolidaciju entitetskih struktura u jedinstvenu instituciju na državnom nivou. Postupajući u skladu sa standardima Venecijanske komisije Vijeća Evrope, institucije vlasti usvojile su propise kojima je formirana jedinstvena struktura, time **građanima i građankama dajući mogućnost da svoje žalbe na povrede ljudskih prava upućuju domaćim institucijama.**

5

**OSNIVANJE REGULATORNE
AGENCIJE ZA
KOMUNIKACIJE I
SISTEMA JAVNOG
EMITOVANJA
(2001. – 2002.)**

programsko područje Mediji

Misija je bila vodeća organizacija u pružanju podrške radu Međunarodne komisije za medije, koja je djelovala prije osnivanja Regulatorne agencije za komunikacije. Osnivanje Regulatorne agencije za komunikacije bio je veoma važan iskorak u području **zaštite slobode izražavanja i različitosti mišljenja**, uz poštivanje široko prihvaćenih standarda pristojnosti, nediskriminacije, pravednosti, istinitosti i nepristrasnosti. Tokom ovog perioda, Misija je bila intenzivno uključena u izradu standarda rada medija, u cilju ostvarenja nezavisnosti medijskih kuća u BiH, a te aktivnosti kulminirale su osnivanjem Sistema javnog emitovanja.

6

**USVAJANJE ZAKONA
O SLOBODI PRISTUPA
INFORMACIJAMA I
ZAKONA O ZAŠTITI OD
KLEVETE (2001.)**

programsko područje Mediji

Usvajanjem **Zakona o slobodi pristupa informacijama, kao i zakona o zaštiti od klevete** na nivou entiteta, te u Brčko distriktu, Bosna i Hercegovina postala je prva zemlja regije koja je dekriminalizirala klevetu. Uz to, Zakon je građanima i građankama Bosne i Hercegovine dao pravo da ostvare pristup informacijama o radu javnih institucija, **unapređujući transparentnost i odgovornost.**



Rekli su o nama...

Ljiljana Zurovac

novinarica, ekspert za samoregulaciju medija

"25 godina postojanja Misije OSCE-a u BiH je četvrt stoljeća osjećaja sigurnosti.

Kao medijskoj osobi, meni osobno je taj osjećaj sigurnosti izuzetno bitan, to da znam da u svakom času imam zaštitu i podršku.

Konkretan angažman Misije OSCE-a na terenu, ne samo u BiH već u cijelome Regionu, na zaštiti i unapređenju slobode medija i slobode govora je nemjerljiv. Taj se doprinos potvrđuje vrlo konkretnim realizacijama otvaranja dijaloga među medijskim poslasticima iz svih zemalja Regiona i omogućavanjem njihove zajedničke suradnje, taj doprinos se potvrđuje osnivanjem bitnih medijskih institucija, razvijanjem i usvajanjem dokumenata za podršku slobodi medija i zaštiti profesionalnog medijskog izvještavanja, realizacijom nebrojenih radionica za novinare u manjim sredinama u BiH i redovnim godišnjim susretima novinara Regiona... Duga je lista predivnih uspješnica Misije OSCE-a u ovih 25 godina, a sve će stati u činjenicu da je Misija OSCE-a dom i utočište svima nama koji srcem živimo profesionalno novinarstvo i u ovako teškim uvjetima stvaramo put slobodnog profesionalnog okruženja za nove generacije novinara.

Iskrene čestitke svim divnim ljudima u Misiji OSCE-a u BiH, i da još dugi niz godina budete uz nas."

Marin Vukoja

tajnik Predstavničkog doma Parlamentarne skupštine Bosne i Hercegovine

"Uspješna suradnja Misije OESS-a u BiH i Parlamentarne skupštine BiH traje već dvadeset godina i u tom je razdoblju Misija aktivno pomogla ključne procese kojima su poboljšani efikasnost, otvorenost i transparentnost zakonodavnog rada. Tu prvenstveno spada podrška izbornoj reformi, unaprijeđenje poslovnika o radu, izrada ključnih strateških planova, reorganizacija povjerenstava i službi te projekti Otvoreni parlament, izrada internetske stranice, uvođenje intraneta i omogućavanje izravnog prijenosa sjednica Parlamentarne skupštine BiH. Osobito bih naglasio pomoć pri nabavi opreme za Veliku salu 2020. godine, čime je omogućen neprekinut prijenos sjednica Zastupničkog doma i uvid javnosti u donošenje odluka i u razdoblju kriza."





**JAČANJE KAPACITETA
PARLAMENTA,
SKUPŠTINA I
INSTITUCIJA VLASTI
NA LOKALNOM NIVOU
(2001. – 2020.)**

programsko područje
Demokratizacija

Od 2001. godine, Misija je pružala tehničku i stručnu pomoć parlamentima, skupštinama i institucijama vlasti na lokalnom nivou u BiH, pomažući im u pružanju usluga građanima i građankama na blagovremen, transparentan i pravičan način. Te aktivnosti obuhvatale su pružanje podrške parlamentima i skupštinama u BiH u unapređenju interne organizacione strukture, jačanju kapaciteta, unapređenju transparentnosti i moderniziranju zakonodavnog rada, ali i pružanje tehničke podrške. Misija se zalagala i pružala podršku usvajanju Zakona o parlamentarnom nadzoru BiH 2018. godine, što je predstavljalo važan korak prema unapređenju transparentnosti u radu institucija vlasti i jačanju odgovornosti nosilaca javnih funkcija. Misija se zalagala i za uvođenje načina za uključivanje građana i građanki u procese odlučivanja, uključujući tu i kroz donošenje izmjena i dopuna internih poslovnika o radu kojima se uvodi mogućnosti za pokretanje građanskih inicijativa, te uvođenja koncepta **Otvorenog parlamenta**.



**DONOŠENJE OKVIRNOG
ZAKONA O OSNOVNOM I
SREDNJEM OBRAZOVANJU
(2003.)**

programsko područje
Obrazovanje

Nakon intenzivnih zalaganja Misije i pružene stručne pomoći, 2003. godine usvojen je Okvirni zakon o osnovnom i srednjem obrazovanju BiH. To je dovelo do **usklađivanja entitetskih, kantonalnih i zakona Brčko distrikta o osnovnom i srednjem obrazovanju** sa Okvirnim zakonom. Zakonom su propisani ključni **principi demokratskog učešća, nediskriminacije, kvaliteta obrazovanja i inkluzivnosti obrazovnog procesa**.



**USPOSTAVA
MINISTARSTVA ODBRANE
I TIJELA ZA
PARLAMENTARNI
NADZOR ZA SEKTORE
ODBRANE I SIGURNOSTI
(2003. – 2009.)**

programsko područje
Sigurnosna saradnja

Misija je igrala centralnu ulogu u procesu reforme sektora odbrane u BiH, uključujući tu pružanje podrške uspostavi državnog Ministarstva odbrane 2004. godine. Podrška Misije također je imala ključni značaj za uspostavu Zajedničke komisije za odbranu i sigurnost pri Parlamentarnoj skupštini BiH, kao i Zajedničke komisije za nadzor nad radom Obavještajno-sigurnosne agencije BiH 2003. godine. Ova dva tijela uvela su u praksu veoma važan **parlamentarni nadzor nad sektorima odbrane i sigurnosti**, u cilju unapređenja njihove efikasnosti, transparentnosti i ukupnog rada, uključujući tu i kroz snažniji naglasak na provedbi sigurnosne i odbrambene politike BiH. Uz podršku Misije, parlamentarni nadzor nad sektorom odbrane dodatno je osnažen 2009. godine, procesom osnivanja Ureda parlamentarnog vojnog povjerenika u sastavu Parlamentarne skupštine BiH. Ovo tijelo sada ima važnu ulogu u očuvanju vladavine zakona i zaštiti ljudskih prava i sloboda pripadnika i kadeta Oružanih snaga BiH i Ministarstva odbrane BiH.

Rekli su o nama...

Samra Filipović Hadžabić

direktorica Agencije za ravnopravnost polova BiH

“Agencija za ravnopravnost polova BiH Ministarstva za ljudska prava i izbjeglice BiH i Misija OSCE-a u BiH uspješno sarađuju već dugi niz godina, kroz realizaciju obaveza iz Zakona o ravnopravnosti polova u BiH, Gender akcionog plana BiH i Akcionog plana za implementaciju UN Rezolucije „Žene, mir i sigurnost“ u BiH.

U proteklom periodu, realizovali smo niz zajedničkih programa, projekata i aktivnosti, a kao najznačajnije mogu se izdvojiti sljedeće:

- Povećavanje učešća žena u javnom životu i donošenju odluka – izrada „Izjave o opredijeljenosti političkih partija za ravnopravnost polova“, koja definiira osnovne pretpostavke za rad političkih partija na ovim pitanjima,
- Realizacija aktivnosti iz Akcionog plana za implementaciju UN Rezolucije 1325 „Žene, mir i sigurnost“ u BiH – podrška lokalnim akcionim planovima i promocija važnosti Rezolucije,
- Prevencija i borba protiv rodno zasnovanog nasilja - realizacija istraživanja „Dobrobit i sigurnost žena, Istraživanje o nasilju nad ženama u Bosni i Hercegovini“
- Obilježavanje značajnih dana i Međunarodni dan žena, uključujući nagradu za doprinos u ostvarivanju ravnopravnosti polova koju su dodjeljivali Agencija za ravnopravnost polova BiH, Komisija za ravnopravnost polova i Misija OSCE-a u BiH.

Misija OSCE-a u BiH je veoma značajan strateški partner Agenciji za ravnopravnost polova BiH MLJPI u postizanju ravnopravnosti polova i osnaživanju žena, te smatramo će da sinergijsko djelovanje doprinijeti efikasnijem uspostavljanju društva jednakih mogućnosti.”

Vehid Šehić

predsjednik Strateškog odbora Koalicije “Pod lupom”

“Misija OSCE-a u Bosni i Hercegovini je pružala svestranu podršku i pomoć Koaliciji Pod lupom, kako u organizacionom smislu, tako i u našoj posmatračkoj ulozi na izborima počev od 2014 godine. Naša saradnja se zasnivala na izuzetnim partnerskim odnosima jer nam je zajednički cilj da doprinesemo poštenim i slobodnim izborima u BiH kao i integritetu i kredibilitetu izbornog procesa. Želimo da se naša saradnja uspješno nastavi i u sljedećim izbornim ciklusima.”

Boško Šiljegović

parlamentarni vojni povjerenik BiH

“Kao član Parlamentarne skupštine OSCE-a ispred BiH, predsjedavajući Zajedničke komisije za odbranu i bezbjednost Parlamentarne skupštine BiH u mandatnom periodu 2002.-2006. godine te kao parlamentarni vojni povjerenik BiH od 2009. godine, želim ovom prilikom da se zahvalim svim predstavnicima Misije OSCE-a u BiH za dugogodišnju nesebičnu, profesionalnu i prijateljsku pomoć i podršku koju su pružali radu Zajedničke komisije za odbranu i sigurnost i Kancelariji parlamentarnog vojnog povjerenika. Posebno je važna uloga koju je Misija imala u uspostavljanju ove dvije institucije kao i donošenju zakonodavnog okvira za njihov rad i djelovanje.”





REFORMA JAVNE UPRAVE (2003. – 2010.)

programsko područje
Demokratizacija i
Odjel za reformu javne
uprave

Misija je učestvovala u izradi i provedbi gotovo svih propisa vezanih za reformu javne uprave – od izrade nacрта zakona o državnoj službi i javnim finansijama do promoviranja i primjene ovih novih zakonodavnih okvira na svim nivoima vlasti. Primarni cilj ovih aktivnosti bio je na viši nivo podići **transparentnost, odgovornost i učešće građana i građanki**.



DOBRO UPRAVLJANJE GRADOVIMA I OPĆINAMA (2003. – 2010.)

programsko područje
Demokratizacija

Pokretanjem inicijativa poznatih pod nazivima: UGOVOR, Beacon šema i Lokalno je primarno, Misija je dala doprinos uvođenju regulatornog okvira i principa dobrog upravljanja koji su gradove i općine približili standardima propisanim Evropskom poveljom o lokalnoj samoupravi, u cilju **produblivanja odnosa između građana i građanki i općina u kojima žive**, koji je doveo do pojave općina koje imaju političku volju i institucionalni kapacitet da efikasno, pravедno i transparentno odgovore na zahtjeve svojih građana i građanki. Ove inicijative, zasnovane na ideji da jačanje demokratije počinje na lokalnom nivou, pružile su podršku radu općinskih vijeća / skupština opština, dovele do razvoja mehanizama za razmjenu iskustava i podrške između različitih općina, te promovirale učešće zajednice kao i pristup mladim prilikama za zapošljavanje.



JAČANJE INKLUZIJE ROMA (2005. – 2016.)

programsko područje
Ljudska prava i Obrazovanje

Misija je igrala aktivnu ulogu u uspostavi Savjetodavnog odbora za Rome pri Vijeću ministara BiH 2002. godine. Osim toga, Misija se zalagala za usvajanje Strategije Bosne i Hercegovine za rješavanja problema Roma 2005. godine, kao i za usvajanje Akcionog plana za rješavanje problema Roma u oblastima zapošljavanja, stambenog zbrinjavanja i zdravstvene zaštite 2008. godine. Misija je također pružila podršku usvajanju Akcionog plana o obrazovnim potrebama Roma i pripadnika drugih nacionalnih manjima u Bosni i Hercegovini 2004. godine. Misija je radila i na osposobljavanju mladih romskih aktivista, naročito Romkinja, te podržala inicijative osnivanja Vijeća mladih Roma BiH u okviru rada na **promoviranju učešća nacionalnih manjina** na svim nivoima.



Rekli su o nama...

Edin Jahić

Ministarstvo sigurnosti BiH, šef Odjela za borbu protiv organiziranog kriminala i korupcije

“Misija OSCE-a u BiH već dugi niz godina pruža značajnu podršku naporima BiH u prevenciji i borbi protiv terorizma, putem izgradnje kapaciteta i pružanjem savjetodavne podrške. Želim posebno istaknuti saradnju u oblasti prevencije i borbe protiv finansiranja terorizma, gdje zajedničke aktivnosti doprinose cjelokupnom napretku BiH i unapređuju međuagencijsku saradnju, uz puno poštivanje ljudskih prava.”

Meddžida Kreso

sutkinja, predsjednica Suda Bosne i Hercegovine (2004. do 2016. godine)

“Na početku mandata Misija OSCE-a u Sudu BiH bila je neshvaćena i osporavana od pojedinih sudija ali vremenom su OSCE-ovi posmatrači postali nezaobilazan i dobrodošao partner u Odjeljenju za ratne zločine Suda BiH.

Prisustvo OSCE-ovih posmatrača i praćenje suđenja rezultiralo je objektivnim i nepristrasnim izvještajima koji su detektirali probleme u pojedinim suđenjima, presudama ali i u tužilačkim manjkavim optužnicama koje su sudijama pravile probleme.

Objektivne analize OSCE-a bile su od izuzetne važnosti za konačan izvještaj gospođe Džoane Korner i njene preporuke za poboljšanje suđenja i za revidiranje Strategije za procesuiranje ratnih zločina.”

Erduan Kafedžić

šef Ureda za borbu protiv korupcije i upravljanje kvalitetom Kantona Sarajevo

“Od uspostavljanja antikorupcijskog strateškog okvira 2015. godine, Kanton Sarajevo je vođenjem antikorupcijskih politika i ostvarivanjem konkretnih rezultata na tom polju prepoznat kao predvodnik na polju systemske borbe protiv korupcije u Bosni i Hercegovini. Glavni nosioci antikorupcijskih procesa i inicijativa u Kantonu Sarajevo su bili, u prvo vrijeme, Tim Vlade Kantona Sarajevo za borbu protiv korupcije (2015. - 2019. godine), a potom Ured za borbu protiv korupcije i upravljanje kvalitetom Kantona Sarajevo. Liderska pozicija Kantona Sarajevo značajnim dijelom je rezultat pomoći međunarodnih organizacija koje djeluju u državi, a poseban doprinos, kao strateški partner, pružila je Misija OSCE-a u Bosni i Hercegovini kroz podršku nosiocima antikorupcijskih procesa u ovom kantonu.

Ured za borbu protiv korupcije i upravljanje kvalitetom Kantona Sarajevo je posebno zahvalan Misiji OSCE-a u Bosni i Hercegovini na presudnoj pomoći u razvoju i uspostavi Informacionog sistema ovog ureda. Bez ove podrške bila bi upitna izgradnja Uredove antikorupcijske digitalne platforme, kao jedne od ključnih pretpostavki za uspostavljanje efektivnog i efikasnog antikorupcijskog sistema u Kantonu Sarajevo.”





13

**DRŽAVNA STRATEGIJA
ZA RAD NA PREDMETIMA
RATNIH ZLOČINA
(OD 2008. GODINE.)**

programsko područje
Vladavina zakona

Misija je pružila podršku izradi Državne strategije za rad na predmetima ratnih zločina 2008. godine, kao i izradi Revidirane strategije usvojene 2020. godine, koje predstavljaju važne korake ka **ostvarenju pravde za sve žrtve ratnih zločina**. Misija se također zalagala za izradu i uvođenje jasnih i efikasnih mehanizama prenosa predmeta manje složenosti na pravosudne organe entiteta i Brčko distrikta, kako bi Sud BiH i Tužilaštvo BiH imali mogućnost da se posvete radu na najsloženijim predmetima ratnih zločina. Misija je osmislila i razvila bazu podataka otvorenih predmeta, softverski alat koji služi kao centralizirana baza podataka predmeta ratnih zločina u Tužilaštvo BiH. Projekt Misije posvećen praćenju sudskih postupaka u predmetima ratnih zločina imao je veoma važnu ulogu u praćenju procesuiranja predmeta ratnih zločina i izradi kvalitativnih analiza vezanih za provedbu Strategije. Ovaj projekt također služi kao osnov za realizaciju namjenskih aktivnosti jačanja kapaciteta.



14

**USVAJANJE PROPISA O
ZABRANI DISKRIMINACIJE
(2009. I 2016.)**

programsko područje
Ljudska prava

Misija je pružila podršku usvajanju i kasnijem donošenju izmjena i dopuna Zakona o zabrani diskriminacije, između ostalog i radeći sa Ministarstvom za ljudska prava i izbjeglice, kojem je Misija pružila stručnu podršku i pravnu ekspertizu tokom procesa izrade nacrtu zakona, ali i organiziranjem konsultacija sa stručnjacima iz sfere pravosuđa, Institucijom ombudsmena/ ombudsmena za ljudska prava BiH, te predstavnicima civilnog društva. Te aktivnosti obuhvatile su i stručno usavršavanje više od 1.000 sudija i pravnih stručnjaka na temu međunarodnih i evropskih standarda i mehanizama o zabrani diskriminacije sadržanih u zakonu, u cilju stvaranja uslova za **efikasnu primjenu principa nediskriminacije i ravnopravnosti**.



15

**USVAJANJE PROPISA
O KRIVIČNIM DJELIMA
POČINJENIM IZ MRŽNJE
(2010. I 2016.)**

programsko područje
Vladavina zakona

Misija je podržala izradu i usvajanje izmjena i dopuna krivičnih zakona entiteta i Brčko distrikta kojima se obrađuje pitanje **krivičnih djela počinjenih iz mržnje**. Misija je pružila stručnu pomoć tokom ovog procesa i omogućila konsultacije sa stručnjacima iz sfere pravosuđa. Ove aktivnosti dopunjene su ponudom Misije da pruži podršku kontinuiranim aktivnostima izgradnje kapaciteta u sektoru pravosuđa i upoznavanja svih ostalih aktera sa elementima krivičnih djela počinjenih iz mržnje, kao i sa zakonskim okvirom kojim se propisuje prijava, istraga, krivično gonjenje i donošenje presude u predmetima incidenata motiviranih predrasudama i krivičnih djela počinjenih iz mržnje. Te aktivnosti imale su za cilj da svima u Bosni i Hercegovini omoguće **ravnopravnost, sigurnost i zaštitu**.

Rekli su o nama...

Medina Mehmedović-Mulalić

Rijaset Islamske zajednice u BiH, šefica Odjela za rad sa NVO – Uprava za vanjske poslove i dijasporu

“Islamska zajednica u BiH i Misija OSCE-a u BiH ostvaruju dugogodišnju uspješnu saradnju na polju jačanja vladavine prava, vjerskih i građanskih sloboda, i međureligijskog dijaloga, procesuiranja krivičnih djela učinjenih iz mržnje, prevencije nasilnog ekstremizma kao i saradnji u oblasti obrazovanja, a kako bi se zaštitila prava djece i mladih od svih oblika diskriminacije ili segregacije.

Kroz svoje aktivnosti, Misija stavlja naglasak na važnost uključivanja šire društvene zajednice u prevenciju i suprotstavljanje nasilnom ekstremizmu, te promovisanja vladavine prava i zaštite ljudskih prava, uključujući uživanje prava na korištenja jezika i slobodu vjere, odnosno uvjerenja.”

Indira Bajramović

predsjednica Udruženja žena Romkinja
“Bolja budućnost”, Tuzla

“Udruženje koje vodim i predstavljam (Udruženje žena Romkinja “Bolja budućnost” Grada Tuzla) je zadovoljno saradnjom Misije OSCE-a sa našim udruženjem, a isto tako treba istaći da je Misija dala veliki doprinos kada govorimo o pravima i položaju romske populacije u svim segmentima društva u BiH.”

Goran Nezirović

sudija Vrhovnog suda FBiH i nekadašnji član Visokog sudskog i tužilačkog vijeća BiH

“Kao sudija, i svojevremeno član VSTV-a, učestvovao sam u realizaciji mnogih međunarodnih projekata usmjerenih na unaprjeđenje vladavine prava u našoj zemlji.

Poseban profesionalni izazov, ali i zadovoljstvo, bila je saradnja sa Misijom OSCE-a, kako zbog značaja samih projekata, tako i zbog njihovih vidljivih pozitivnih rezultata u oblasti reforme pravosuđa i vladavine prava.

Nadam se da će Misija OSCE-a u BiH nastaviti i dalje svoju nezamjenjivu ulogu u reformi pravosuđa, te demokratizaciji našeg društva uopšte.”





16

**JAČANJE ODGOVORA
NADLEŽNIH ORGANA
NA TRGOVINU LJUDIMA
(KONTINUIRANA AKTIVNOST)**

programsko područje
Vladavina zakona

Misija je pružila podršku državnom koordinatorskom tijelu za borbu protiv trgovine ljudima i uspješno se zalagala za donošenje odredbi u svim četiri krivična zakona u BiH kojima se trgovina ljudima tretira kao krivično djelo, kao i za uvođenje principa nekažnjavanja žrtava trgovine ljudima. Što se tiče prevencije i zaštite, Misija je pružila podršku izradi podzakonskih akata i smjernica za rad domaćih struktura nadležnih za borbu protiv trgovine ljudima. Misija je opredjeljena da borbi protiv trgovine ljudima pristupi jačanjem kapaciteta domaćih organa vlasti nadležnih za borbu protiv ovog svirepog načina postupanja, uključujući tu i kroz jačanje zakonskog okvira i politika rada i stručno usavršavanje nadležnih organa.



17

**SUPERGRAĐANI/
SUPERGRAĐANKE I
KOALICIJE PROTIV MRŽNJE
(OD 2013. GODINE)**

programsko područje
Demokratizacija

Od 2013. godine, Misija pruža podršku osnivanju i djelovanju 31 lokalne koalicije protiv mržnje širom zemlje, koje okupljaju organizacije civilnog društva i aktiviste. Osnovni zadatak koalicija protiv mržnje je da **javno osude incidente motivirane predrasudama i spriječe njihovu ponovnu pojavu**. U nedavnoj prošlosti, koalicije su počele intenzivnije saradivati sa lokalnim vlastima, u cilju jačanja društvene kohezije na nivou zajednice. Misija trenutno pomaže 20 koalicija u izradi politika društvene kohezije u partnerstvu sa lokalnim vlastima.



18

**JAČANJE ZAŠTITE
OKOLIŠA – MREŽA
AARHUS CENTARA U BIH
(2013.)**

programsko područje
Zaštita okoliša

U cilju pružanja podrške provedbi Aarhus konvencije u BiH, 2013. godine pod pokroviteljstvom Misije formirana je državna mreža Aarhus centara. Mreža predstavlja platformu za razmjenu informacija između nadležnih organa i građana i građanki. Mreža podstiče **transparentnost javnih organa i građanima i građankama daje priliku da izraze svoja mišljenja** o odlukama koje mogu imati utjecaj na okoliš. Osim toga, uredi Aarhus centara u Banja Luci, Sarajevu, Tuzli i Zenici otvoreni su za građane i građanke i služe kao mjesto gdje građani i građanke mogu dobiti stručni savjet, pouzdane i blagovremene informacije i ostvariti učešće u procesu odlučivanja.



19

**DOBOJ/MAGLAJ/ŠAMAC–
ODGOVOR NA KATASTROFU
(2014.)**

Poslije razornih poplava 2014. godine, Misija je rasporedila osoblje i otvorila pet privremenih ureda u cilju pružanja pomoći lokalnim institucijama, a glavni cilj njihovog rada bila je ponovna uspostava i očuvanje ključnih usluga za građane i građanke. Misija je pojačala aktivnosti monitoringa u područjima pogođenim poplavama, te omogućila izradu indikatora ranog upozorenja i namjenskih programa u cilju prevencije elementarnih nepogoda, suzbijanja njihovog nastanka, te saniranja njihovih negativnih posljedica.

25
years

Rekli su o nama...

Nermina Džepar-Ganibegović

šefica Odsjeka za stambenu politiku i projekte,
Ministarstvo za ljudska prava i izbjeglice BiH

“Bosna i Hercegovina iza sebe ima dugi niz godina uspješne saradnje sa Misijom OSCE-a u BiH.

Od osnivanja 2000. godine, Ministarstvo za ljudska prava i izbjeglice BiH se oslanjalo na savjetodavnu i stručnu ulogu OSCE-a u praćenju i zaštiti osnovnih ljudskih prava i sloboda. Podrška OSCE-a u provedbi Aneksa VII Okvirnog sporazuma za mir u BiH, uključujući u implementaciji zakona o vlasništvu, je od posebnog značaja za postizanje dugoročnih i održivih rješenja za izbjeglice i raseljena lica, čime je dat ključni doprinos u vraćanju povjerenja i izgradnji mira ne samo u bh. društvu, nego takođe i u produbljivanju dobrosusjedskih odnosa i stabilnosti u regiji zapadnog Balkana.”

Dr. Miloš Šolaja

Fakultet političkih nauka Univerziteta u Banjaluci,
direktor Centra za međunarodne odnose Banjaluka

“S Misijom OSCE-a u BiH saradujem od samog uspostavljanja, kao novinar – izvještac i kasnije član Potkomisije eksperata za medije 1996. - 2001. godine. Kroz saradnju sam se uvjerio da je OSCE odigrao veliku ulogu u razvoju medija kako u cilju transformacije i podizanja medijskih standarda, tako i demokratizacije izbornog procesa i izbora.

Misija je jako puno doprinijela razvoju bezbjednog okruženja i demokratizacije bezbjednosti, u što sam se imao prilike uvjeriti kroz učešće u organizaciji i edukaciji više generacija Škole bezbjednosti za studente iz BiH kao i u procesu izrade politike bezbjednosti u BiH te donošenju budžeta za odbranu BiH.”

Srdan Baralić


predsjednik Udruženja socijalnih radnika Republike Srpske

“Misija OSCE-a u BiH konstantno pruža podršku umrežavanju stručnih radnika iz oblasti socijalne djelatnosti na nivou BiH. Time smo dobili mogućnost da uspostavimo Savez socijalnih radnika BiH i steknemo status članice Međunarodne federacije socijalnih radnika. Ovo je svakako važno za samu struku, jer imamo mogućnost umrežavanja sa stručnim radnicima iz regiona, te učiti iz primjera dobre prakse, kao i izazova s kojima se drugi suočavaju u zaštiti korisnika.”

Marin Radišić

načelnik Općine Čitluk

“OESS je iskreni partner Općine Čitluk već duže od dvadeset godina. Zajedno smo pokrenuli vrlo važne procese, a neki od njih su: strateško planiranje razvoja Općine, reforma javne uprave, povećanje transparentnosti rada, a sve s ciljem pružanja kvalitetne usluge našim građanima i građankama. Naša suradnja se nastavlja na obostrano zadovoljstvo.”



20

**ZAJEDNIČKA JEZGRA
NASTAVNIH PLANOVA
I PROGRAMA I ISHODI
UČENJA ZA NASTAVU
ISTORIJE (2016.)**

programsko područje
Obrazovanje

U okviru aktivnosti pružanja podrške organima nadležnim za obrazovanje u njihovom nastojanju da osavremene nastavne sadržaje i primjene **moderan pristup izvođenju nastave**, Misija je pružila podršku izradi zajedničke jezgre nastavnih planova i programa, zasnovanih na učenicima i razvoju njihovih kompetencija. Misija je, u saradnji sa Agencijom za predškolsko, osnovno i srednje obrazovanje, te u koordinaciji sa svim ministarstvima obrazovanja radila na izradi zajedničke jezgre nastavnih planova i programa i ishodima učenja za nastavni predmet istorije.

21

**USKLAĐIVANJE PROPISA
O SLOBODI OKUPLJANJA
SA MEĐUNARODNIM
STANDARDIMA ZAŠTITE
LJUDSKIH PRAVA
(OD 2017. GODINE)**

programsko područje
Ljudska prava

Misija je pružila podršku usklađivanju propisa koji se odnose na slobodu okupljanja sa međunarodnim standardima zaštite ljudskih prava na svim nivoima vlasti u Bosni i Hercegovini. Sloboda mirnog okupljanja je temeljna sloboda; svako **ima pravo na mirno okupljanje i demonstracije u demokratskom društvu**. Prvi zakon u potpunosti usklađen sa međunarodnim standardima usvojen je u Brčko distriktu 2020. godine. Misija nastavlja pružati podršku drugim nivoima vlasti kako bi osigurala najviši mogući stepen ostvarenja ovog prava.

22

**PROPISI I INICIJATIVE O
BORBI PROTIV KORUPCIJE
(OD 2018. GODINE)**

programsko područje
Demokratizacija

Uz podršku Misije, ojačani su **mehanizmi koordinacije borbe protiv korupcije** između timova za borbu protiv korupcije na svim nivoima vlasti i Agencije za prevenciju korupcije i koordinaciju borbe protiv korupcije BiH. Misija je također radila na **jačanju kapaciteta institucija za borbu protiv korupcije**. Tokom 2020. godine, Misija je pružanjem tehničke i stručne pomoći pružila podršku izradi i usvajanju Zakona o sukobu interesa u Brčko distriktu kao i njegovoj primjeni. Pored toga, Misija se nastavila zalagati za usvajanje Zakona o sukobu interesa na nivou države koji je usklađen sa međunarodnim standardima. U proteklih nekoliko godina, Misija je pružila podršku izradi i usvajanju propisa o prijavi imovinskog stanja u Kantonu Sarajevo i Tuzlanskom kantonu, a slične procese namjerava podržati u drugim kantonima. Misija je pružila podršku inovativnim rješenjima za borbu protiv korupcije zasnovanim na primjeni IKT tehnologija na nekoliko različitih nivoa, konkretno, na nivou države, nivou Republike Srpske, te nivou Kantona Sarajevo, Bosansko-podrinjskog kantona Goražde i Srednjobosanskog kantona. Ta rješenja obuhvataju javne registre koji pomažu u identifikaciji i prevenciji sukoba interesa kao i utvrđivanju nepravilnosti pri zapošljavanju, imenovanju i javnim nabavkama.



Rekli su o nama...

Enes Avdičević

koordinatorka Koalicije za borbu protiv mržnje „Društvo bez predrasuda“, Teočak

„Već duži niz godina Misija OSCE-a u BiH, kroz različite forme pruža podršku Koaliciji za borbu protiv mržnje „Društvo bez predrasuda“ Teočak, jedinog u BiH, koja djeluje na teritoriji dva entiteta i pet opština. Poseban vid podrške usmjeren je na saradnju sa lokalnim vlastima i zajedničkoj izradi akcionih planova kao i specifičnim potrebama članica i članova Koalicije. Uz podršku Misije, Koalicija radi na borbi protiv mržnje, izgradnji i promociji kulture dijaloga, kao i promociji dobrih vrijednosti zajednice. Smatram da ovakve inicijative imaju neposredan pozitivan utjecaj na svakodnevni život građana BiH.“

Ansela Husetić

direktorica JU „Centar za kulturu i obrazovanje“, Bosanski Petrovac

„Moja uspješna, i slobodno mogu reći zavidna, saradnja sa Misijom OSCE-a u Bosni i Hercegovini, proizašla je iz razumijevanja, želje i volje od strane osoba koje predstavljaju Misiju u Bosanskom Petrovcu, da pomognu kako institucijama tako i građanima i građankama Bosanskog Petrovca. Veliki doprinos su dali našoj lokalnoj zajednici na čemu sam im posebno zahvalna. Iskreno se nadam da će se ova saradnja nastaviti i u narednom periodu.“

Lejla Zonić

Savjetodavna grupa mladih Misije OSCE-a u BiH

„Moj rad s Misijom OSCE-a počeo je prije šest godina. Misija je podržavala implementaciju projekata na kojima sam radila s drugim organizacijama, poput inicijative za osnivanje Vijeća mladih Grada Tuzla 2013. godine, te sam ubrzo dobila poziv da se pridružim Savjetodavnoj grupi mladih pri Misiji OSCE-a u BiH. Prilike koje mi je članstvo omogućilo su brojne, a od posebnog značaja mogućnost da proširim mrežu profesionalnih poznanstava kroz različita programska i projektna putovanja poput onih u Sjevernu Makedoniju i Albaniju. Pozvana sam da dam svoj doprinos u borbi protiv nasilja nad ženama, posebno u oblasti borbe protiv cyber nasilja. Kao osoba koja je imala iskustvo s cyber nasiljem, obratila sam se Misiji za pomoć te sam kroz razgovor s predstavnicima i predstavnicama Misije i njihovo aktivno djelovanje osnažena da ovo iskustvo javno adresiram i posvetim se promociji pozitivnih praksi i vrijednosti putem svog novoosnovanog bloga (www.lejlazonic.com). Kroz Savjetodavnu grupu mladih, dobila sam osjećaj pripadanja i mogućnost da razvijam svoje potencijale kao i potencijale zajednice.“





23

**JAČANJE KAPACITETA
NASTAVNOG OSOBLJA
TOKOM PANDEMIJE
COVID-19 (2020.)**

programsko područje
Obrazovanje

Misija je isporučila IT opremu i zaštitne maske kako bi pomogla obrazovnim vlastima i osigurala da **najugroženija djeca ostvare pristup obrazovanju za vrijeme trajanja pandemije**, uključujući tu i kroz kupovinu poslovnih licenci za Zoom platformu, kako bi omogućila komunikaciju i koordinaciju između ministarstava obrazovanja, prosvjetno-pedagoških zavoda i škola. Misija je također organizirala radionice na temu **efikasnog i inkluzivnog obrazovanja u virtuelnom okruženju**, kojima je prisustvovalo više od 11.600 direktora škola, nastavnog osoblja, učenika i roditelja.



24

**SPREČAVANJE I
SUZBIJANJE TERORIZMA I
NASILNOG EKSTREMIZMA
I RADIKALIZACIJE KOJI
VODE U TERORIZAM
(VERLT)**

programsko područje
Sigurnosna saradnja

Misija je radila na izgradnji kapaciteta institucija u BiH na svim nivoima kako bi im pomogla da odgovore na prijetnje terorizma i nasilnog ekstremizma i radikalizacije koji vode u terorizam, uključujući tu, između ostalog, finansiranje terorizma, putovanje vezano za terorizam, cyber terorizam, kao hemijske, biološke, radiološke i nuklearne prijetnje. Primjenom smjernica o načinima suzbijanja nasilnog ekstremizma i radikalizacije koji vode u terorizam, Misija je realizirala više namjenskih aktivnosti izgradnje kapaciteta i omogućila razmjenu dobrih primjera iz prakse sa nadležnim organima. Sistemski angažman Misije omogućio je postizanje većeg stepena koordinacije i saradnje između širokog spektra aktera na svim nivoima, te veći stepen učešća organizacija civilnog društva, vjerskih zajednica, žena i mladih.



25

**POŠTIVANJE RODNE
RAVNOPRAVNOSTI UNUTAR
POLITIČKIH STRANAKA**

Misija je 2014. godine pružila podršku Agenciji za ravnopravnost spolova BiH u izradi Izjave o opredijeljenosti političkih stranaka za rodnu ravnopravnost. Tokom tih aktivnosti, Misija je uspostavila kontakt sa osam političkih stranaka koje su potpisale Izjavu i time se obavezale na ostvarenje rodne ravnopravnosti. Na osnovu Izjave, Misija je, u saradnji sa Uredom OSCE-a za demokratske institucije i ljudska prava, provela rodnu reviziju stranaka koje su potpisale Izjavu. Ova revizija zamišljena je kao interni instrument za procjenu stepena provedbe obaveza političkih stranaka o ostvarenju rodne ravnopravnosti. Ona također predstavlja osnov za daljnji rad, uključujući tu i izradu internih **stranačkih strategija za promoviranje rodne ravnopravnosti unutar stranačkih struktura**, kao i identifikaciju politika rada i programskih područja u kojima je potrebno uložiti dodatni trud, u interesu ostvarenja rodne ravnopravnosti.

Rekli su o nama...

Vanes Mešić

profesor Univerziteta u Sarajevu, član Savjetodavnog tima za kurikularnu reformu u okviru projekta "Kvalitetno obrazovanje kroz kurikularnu reformu"

"Imao sam čast da sa Misijom OSCE-a u Bosni i Hercegovini surađujem u okviru projekta "Kurikularnom reformom do kvalitetnog obrazovanja". U radu Misije posebno me impresionirao profesionalni pristup radnim zadacima, te konzistentno promoviranje i uvažavanje izvrsnosti. Utvrđivanjem i određivanjem ključnih izazova u lokalnim obrazovnim sistemima, te pažljivim umrežavanjem kompetentnih pojedinaca iz cijele Bosne i Hercegovine i regiona koji mogu doprinijeti prevazilaženju ovih izazova, Misija kontinuirano pruža značajnu podršku obrazovnim vlastima u Bosni i Hercegovini."

Lidija Ljubojević

nekadašnji poslanik u skupštini Brčko distrikta BiH i predsjedavajuća Komisije za ravnopravnost polova skupštine Brčko distrikta BiH

"Uz podršku Misije OSCE-a u BiH poboljšali smo rad Skupštine Brčko distrikta BiH, posebno putem uspostavljanja Komisije za rodnu ravnopravnost 2013. godine što je rezultat i Misijine podrške za razmjenu dobrih praksi parlamenata iz BiH sa Parlamentom Austrije. Zahvaljujući tome, te kroz veći broj organizovanih sastanaka na temu rodne ravnopravnosti sa nevladinim sektorom i podršci od strane kancelarije OSCE-a, predloženo je donošenje Zakona o sprečavanju nasilja u porodici koji je i usvojen od strane Skupštine. Zakon je promoviran u tri mjesne zajednice u Brčkom u cilju ohrabrivanja žrtava da prijave nasilje u porodici, a saradnja sa OSCE-om je također rezultirala i donošenjem Zakona o zaštiti prava pripadnika nacionalnih manjina u Brčkom."

NGO Kvart

"U našim naporima da promoviramo vrijednosti jednakosti, pravde i demokratije, često smo meta diskriminacije, govora mržnje i zločina iz mržnje. U nekim izazovima, Misija OSCE-a u BiH je pomogla i odigrala važnu ulogu u konsultacijama, razmjeni mišljenja i reakciji. Hvala Misiji OSCE-a u BiH na uključenosti i podršci našem radu, te se radujemo svakom malom pomaku koji se napravi na polju unapređenja i zaštite ljudskih prava u BiH."



Činjenice i brojke

U Misiji je, od njenog osnivanja prije **25 godina**, radilo više od **3.000** članova osoblja

- U periodu između 1996. godine i 2014. godine, provedeno je ukupno **790** inspekcija sa ciljem kontrole naoružanja i **129** inspekcija sa ciljem smanjenja naoružanja, u čemu je učestvovalo više od **1.300** članova osoblja OSCE-a i **29** država koje su pružale podršku.
- Ukupno je uništen **5.151** komad teškog naoružanja – **445** tenkova, **232** borbena oklopna vozila, **4.470** komada artiljerijskog naoružanja i **4** borbena aviona.
- Primljen je **211.781** zahtjev za povrat imovine, od kojih su **192.682** riješena.
- Od trenutka kada je Misija počela da prati procesuiranje predmeta ratnih zločina u BiH 2004. godine, ukupno su završena **594** sudska postupka koja su se odnosila na **904** optužene osobe.
- **120** malih grantova je dodijeljeno u svrhu podrške razvoju slobodnih medija između 1998. godine i 2001. godine.
- Misija je 1998. godine nadzirala **2.180** glasačkih mjesta u Bosni i Hercegovini i **137** u Hrvatskoj i Saveznoj Republici Jugoslaviji te distribuirala oko **2,4 miliona** glasačkih listića građanima i građankama BiH¹.
- Od njegovog prvog prikazivanja 2021. godine, više od **2 miliona** ljudi je pogledalo film „Maglaj – rat i mir“ koji je snimljen u produkciji Misije.
- **29** novih udžbenika istorije je objavljeno, a pružena je obuka o korištenju tih novih resursa za više od **200** nastavnika istorije, potencijalnih autora i recenzenata udžbenika nakon što su uz podršku Misije izrađene i potpisane *Smjernice za pisanje i ocjenu udžbenika istorije za osnovne i srednje škole u Bosni i Hercegovini*.

¹ Godišnji izvještaj 1998. godine





- Podržali smo više od **50** inicijativa u svrhu povećanja učešća žena u sigurnosnom sektoru.
- Misija je istražila kakva su iskustva više od **2.300** žena iz cijele BiH da bi ispitala rasprostranjenost i posljedice nasilja nad ženama.
- Obučili smo više od **20.000** javnih zvaničnika te zvaničnika sigurnosnih agencija, institucija krivičnog pravosuđa, policije i obrazovnih tijela.
- Od 2004. godine, Misija je pratila **13.704** sudska postupka – u predmetima ratnih zločina, krivičnih djela počinjenih iz mržnje, trgovine ljudima i drugim krivičnim predmetima – u **72** suda u BiH.
- Od 2017. godine, Misija je pratila **602** sudska predmeta u svrhu ocjenjivanja kvaliteta i djelotvornosti odgovora pravosuđa na korupciju.
- Od 2017. godine, Misija je pratila skoro **500** sjednica parlamenata, kako plenarnih tako i sjednica komisija, da bi bila u toku političkih i sigurnosnih događaja te bila u mogućnosti da donese pravovremene i na informacijama zasnovane odluke o ključnim pitanjima.
- Od 2013. godine, Misija je pratila odgovore na više od **1.200** potencijalnih incidenata motivisanih predrasudama i krivičnih djela počinjenih iz mržnje, uključujući **324** sudska predmeta u vezi sa tim, da bi ocijenila nivo primjene zakonskih odredaba o zabrani krivičnih djela počinjenih iz mržnje i na informacijama zasnovala aktivnosti izgradnje kapaciteta i podizanja svijesti.



Budući koraci

U narednim godinama, djelujući unutar okvira svog mandata, Misija OSCE-a u Bosni i Hercegovini će nastaviti da nudi tehničku pomoć i podršku Bosni i Hercegovini u ispunjavanju njenih obaveza u vojno-političkoj, ekonomskoj i okolišnoj te ljudskoj dimenziji.

Da bi to ostvarila, Misija će učiniti sljedeće:

▶▶▶ Nastaviti da promoviše stabilnost i pomirenje u Bosni i Hercegovini (BiH) putem razvoja sistema uprave, pravosuđa i obrazovanja koji poštuju ljudska prava i vladavinu prava;

▶▶▶ Nastaviti da pomaže održivost rezultata ključnih reformi u BiH i da radi sa vlastima na prevazilaženju političkih zastoja i napetosti, u svrhu poboljšanja rezultata rada parlamentarnih i zakonodavnih tijela, hvatanja u koštac sa korupcijom i smanjenja potencijala za narušavanje izbornih pravila i propisa;

▶▶▶ Nastaviti da pruža podršku razvoju nezavisnog i transparentnog pravosudnog sistema koji poštuje ljudska prava i koji posjeduje kapacitete za djelotvornu istragu, procesuiranje i donošenje presude u krivičnim predmetima, uključujući ratne zločine, krivična djela počinjena iz mržnje, trgovinu ljudima, korupciju, organizovani kriminal i nasilje u porodici;

▶▶▶ Nastaviti da pruža podršku BiH u osiguravanju da međunarodni standardi budu sastavni dio pravnog okvira koji se primjenjuje u vezi sa slobodom okupljanja, slobodom izražavanja i slobodom medija;

▶▶▶ Nastaviti da pomaže održivost napora u osiguravanju da se poštuje pravo na slobodu vjere ili uvjerenja u BiH, naročito putem ohrabririvanja međureligijskog dijaloga;

▶▶▶ Nastaviti da pruža pomoć BiH u suprotstavljanju terorizmu i hvatanju u koštac sa nasilnim ekstremizmom i radikalizacijom koji vode ka terorizmu, putem inkluzivnog i kooperativnog pristupa;

▶▶▶ Nastaviti da pruža podršku BiH na ispunjavanju njenih obaveza u oblasti kontrole naoružanja i na održivom povećanju kapaciteta vojske i policije da upravljaju oružjem i municijom;

▶▶▶ Nastaviti da pruža podršku vlastima BiH u provedbi suštinskih reformi sigurnosnog sektora neophodnih za bolje reagovanje na savremene i novonastale prijetnje sigurnosti, uključujući modernizaciju pristupa provedbi zakona;



- ▶▶▶ Nastaviti da pruža podršku međuresornoj saradnji i izgradnji kapaciteta u oblasti sigurnosti granice i upravljanju granicom, sa ciljem ostvarenja integrisanijeg sistema koji je osposobljeniji za borbu protiv prekograničnog kriminala u skladu sa standardima zaštite ljudskih prava;
- ▶▶▶ Nastaviti da pruža podršku izradi strateških politika djelovanja i mehanizama u oblasti cyber sigurnosti sa ciljem poboljšanja nivoa otpornosti na savremene i novonastale prijetnje koje potiču iz cyber prostora;
- ▶▶▶ Nastaviti da omogućava poboljšanja u sistemu zaštite i spašavanja i njegovim kapacitetima, pomažući povećanje nivoa otpornosti na prirodne i druge nesreće i smanjenje rizika od katastrofa;
- ▶▶▶ Nastaviti da pruža pomoć u ostvarivanju pravičnog i jednakog pristupa socijalnim pravima za osobe u stanju ugroženosti, fokusirajući se na stambeno zbrinjavanje, zdravstvenu i socijalnu zaštitu, kao i na ocjenu odgovora vlasti tokom krize izazvane pandemijom bolesti COVID-19, potencijalna kršenja socijalnih prava i konkretnu zaštitu ljudskih prava najugroženijih kategorija;
- ▶▶▶ Nastaviti da pruža podršku obrazovnim vlastima da pokažu povećanu posvećenost osiguravanju inkluzivnog i nediskriminatornog kvalitetnog obrazovanja za svu djecu;
- ▶▶▶ Nastaviti da pruža podršku jačanju zaštite i sigurnosti okoliša u BiH putem poboljšane provedbe okolišnog prava, uključujući Aarhusku konvenciju, te putem podizanja svijesti i djelovanja po okolišnim pitanjima.
- ▶▶▶ Nastaviti da pruža pomoć i da promoviše rodnu ravnopravnost, kao i veće i svrsishodnije učešće mladih ljudi i žena u demokratskim procesima na svim nivoima.





#OSCEBiH #OSCEBiH25

#ZaSigurnost

#KontrolaNaoružanja

#SECUPBiH

#ZaLjudskaPrava #HumanRightsFWD

#ZaRavnopravnost

#NeDiskriminaciji

#NeMržnji

#HateMonitorBiH

#BoljeObrazovanje

#DjelujLokalno

#LocalFirst

#BoljiParlamenti

#FreeMedia

#NeTrgoviniLjudima

#VladavinaPrava #BoljePravosuđe

#ProcesuirajmoZločine

#TacklingWarCrimes

#AccountableBiH #PouzdanaBiH

#ZaČistOkoliš

#EfikasnijaUprava